

Hon Andrew Little

Minita o te Pae Rapakau Maki

Hon Peeni Henare

Tauturu Minita o te Pae Rapakau Maki (Maori Health)

23 Tepetema 2021



Au tangata marama oonu kua ikiia no te arataki i te tuanga rapakau maki o Nuti Reni.

Kua iki iatu tetai au tangata maata to ratou marama i roto i te angaanga a te kavamani e pera katoa te pae angaanga rapakau maki no te akatere atu i te nga putuputuanga, koia oki, te Maori Health Authority e pera katoa te Health New Zealand, e akakite nei te Minita o te Pae Angaanga Rapakau Maki a Andrew Little.

“Te akatupu nei teia Kavamani i tetai Tuanga Rapakau Maki te ka riro i te oronga mai i tetai turanga teitei e te matutu no te katoaanga o te basileia. Ko tetai takianga ua oki teia i te akatano meitaki i te tuanga rapakau maki o te basileia ei meitaki no te katoatoa,” e akakite nei a Andrew Little.

“Ka riro teia au tauiaanga i roto i te tuanga rapakau maki i te oronga mai i tetai turanga aiteite kite iti tangata katoatoa o Nuti Reni nei e i te oronga mai i tetai oranga meitaki e te tau ki tetai uatu tangata e noo nei ki roto i teia basileia noatu e koai ratou me kore, e noo ana ratou ki ea.”

Ko Rob Campbell, e tangata turanga teitei tona, koia oki e professional director ana aia, e pera katoa e maata tona marama i roto i te angaanga a te union, te tuanga o te au angaanga ate kavamani (public service) e pera katoa te tuanga paraiveti, kua iki iatu e koia te Tama Akatere(Chair) o te putuputuanga Health New Zealand. Ka riro e ka anoanoia tona kite e te marama i te akatereanga mai anga i teia au kamupani mamaata i te tauturu iaia i te akatereanga i te putuputuanga Health New Zealand, te ka riro mai ko te putuputuanga kimianga puapinga maata roa atu i roto nei i te basileia.

Ko Sharon Shea, te tauturu akatere o te Bay of Plenty District Health Board(DHB), e vaine maata tona marama i roto i te pae angaanga rapakau maki, te tuanga o te pakipakitai (disability) e pera katoa te tuanga o te katoatoa(Community), kua iki iatu e koia tetai o nga tauturu akatere o te putuputuanga Maori Health Authority.

Ko Tipa Mahuta, te tauturu akatere o te Counties District Health Board e, e maata tona marama no te akanoonoanga (facilitation), te kimikimianga (research), akatupuanga papa ture(policy), te aratakianga e te akatupuanga i te anoano o te katoatoa (community development) e pera katoa e maata tona marama i roto i te au akateretereanga i te au matakeinanga o te enua (Iwi), kua iki katoa iatu e koia tetai o nga tauturu akaaere o te Maori Health Authority.

Ko tate putuputuanga Health New Zealand ka rave koia oki i te kōkōu mai anga i te au District Health Board e 20 o Nuti Reni nei, e ta ratou au tangata angaanga e 80,000, te moni e akatere iara ratou koia oki e 20 pirioni tara, e pera katoa te au apinga raro ake i ta ratou akatereanga meite te 24 pirioni tara tona moni.

Ka angaanga kapiti atu te putuputuanga Maori Health Authority ki te putuputuanga Health New Zealand i te anga kapiti anga i tetai au parani no te akatupuanga e te akameitaki atu i te au akakoroanga o te au matakeinaga o te enua, koia oki te community services, mate akatupu e te arataki katoa atu i te au angaanga no te akameitaki atu i te au angaanga e te au akakoroanga no te akamatutu i te akonoanga Maori, koia oki te kaupapa Maori. Ka angaanga kapiti katoa atu te putuputuanga Maori Health Authority kite Tuanga Rapakau Maki (Ministry of Health) no te akatupuanga i tetai au ravenga e tetai au papa ture te ka riro ei meitaki no te iti tangata Maori.

“Ko tetai tuanga puapinga oki teia i te akakoroanga i te akatupuanga i tetai tuanga rapakau maki te ka riro ei meitaki no te katoatoa,” e akakite nei te tauturu Minita o te Pae Angaanga Rapakau Maki a Peeni Henare.

Ka riro teia putuputuanga ou koia oki te Maori Health Authority i te oronga mai i tetai kaveinga ou no te iti tangata. Ka riro i te akameitaki atu i te turanga o te iti tangata Maori na roto i te oronga mai anga i tetai turanga meitaki atu no ratou no te tau anga e te takoreanga i te au akonoanga taukore i roto i te tuanga rapakau maki tei riro mai ana ei kino no te iti tangata Maori.

“Kua angaanga pakari te putuputuanga Ta Masson Duries na roto i te turu anga i te au angaanga kia tupu teia au ikianga, e kua rauka ia Ta Masson i te akara meitaki e i te akapapu e ko ratou te ka ikiia ki runga i teia au taoanga kia tau to ratou turanga e to ratou marama ki tei anoanoia no te puapinga o te tuanga rapakau maki o teia basileia i te au tuatau ki mua,” i akakite ei a Peeni Henare.

“Te okotai nei te manako e te akakoroanga o te au mema o teia nga putuputuanga ou i te akatupuanga i te akakoroanga no te akameitaki atu i te turanga oraanga o teia basileia mate akameitaki katoa atu i te turanga o to tatou au matakeinanga (community). Ko tona irinakianga tei roto teia nga putuputuanga i te rima o te au tangata kua tau no te aratakianga e te akatupuanga i te au tauiana tei anoano iana kia tupu i roto i te tuanga rapakau maki no tetai tuatau roa,” i na Andrew Little ei.

Tuanga o te Nuti

Minita Little – Talisa Kupenga 027 405 7231

Minita Henare – Irena Smith 027 845 205

Akamaramaanga poto na te Etita

Ka rauka katoa tetai au akamaramaanga ke no runga i te turanga o te au mema o te board i runga i runga i te roro uira i te atereti www.futureofhealth.govt.nz

Te au mema o te putuputuanga Health New Zealand

- **Rob Campbell (Tama Akatere- Chair)** – e tangata maata tona marama, e e arataki i roto i te angaanga pitiniti (professional director), te au akateretereanga ate union, te au tuanga angaanga tuketuke ate kavamani e te tuanga paraiveti, e pera katoa te au tu akateretereanga i roto i te kavamani.
- **Amy Adams** – mema mai ana no te National Party, mema Paramani no Selwyn e pera katoa e Minita no te Korona.
- **Cassandra Crowley** – maata tona marama no runga i te akonoanga e te akateretereanga i te moni, koia oki, e Chartered Accountant aia, e Roia katoa i roto i te Akavaanga Teitei o Nuti Reni nei. Maata katoa tona marama no runga i te au akateretereanga a te Kavamani.
- **Vui Mark Gosche** – E arataki i roto i te iti tangata Samoa e pera katoa te iti tangata Pacifika, e matutu katoa tona turanga i roto i te tuanga rapakau maki, te tuanga o te pakipakitai e te tuanga o te katoatoa (Community Sector) i Nuti Reni nei, e i mema Paramani ana aia e pera katoa i Minita ana no te Korona.
- **Dame Karen Poutasi** – matutu tona turanga i roto i te tuanga rapakau maki, e i roto tikai i te tuanga public health; e maata katoa tona marama no runga i te tuanga akatereanga i te au angaanga a te tuanga rapakau maki e te pae angaanga apii e kua akatere mai ana aia i te putuputuanga New Zealand Qualifications Authority e pera katoa kua mou mai ana aia i te taoanga Director of General Health.
- **Venessa Stoddart** – turanga teitei tona i roto i tetai au tuanga pitiniti i roto i te tuanga maani apinga (manufacturing), te tuanga packaging, te tuanga akarere pairere, te tuanga engineering e pera katoa i roto i te tuanga akatukeanga i te akatereanga koia oki te change management e te akameitaki anga i te turanga no te raveanga i te angaanga, koia oki te performance improvement.
- **Dr Cutis Walker** – e taote aia i te tuanga rapakau maki e i roto tikai i te tuanga o te maki kidney i roto te putuputuanga MidCentral DHB e, e maata tona marama i te tua o te akateretereanga koia oki te governance, e i roto katoa i te tuanga o te clinical leadership e te anga ture no te katoatoa koia oki te public policy.
- **Sharon Shea** – koia te vaine akatere o te Bay of Plenty DHB e, e maata tona marama i roto i te au tuanga tuketuke o te pae angaanga rapakau maki, te tuanga o te pakipakitai e te tuanga piri atu ki to tatou au matakeinanga koia oki te community sector. Ko Ms Shea katoa tetai tauturu akaaere i roto i te putuputuanga Maori Health Authority.

Te au mema i runga i te Maori Health Authority

- **Sharon Shea(Co-Chair)** – koia te vaine akatere o te Bay of Plenty DHB e, e maata tona marama i roto i te au tuanga tuketuke o te pae angaanga rapakau maki, te tuanga o te pakipakitai e te tuanga piri atu ki to tatou au matakeinanga koia oki te community sector. Ko Ms Shea katoa tetai mema o te Health New Zealand Board.

- **Tipa Mahuta (Co-Chair)** – te angaanga nei aia ei tauturu akaaere no te Counties Manukau District Health Board e, e maata tona marama no te raveraveanga angaanga (facilitation), te kimikimianga (research), akatupuanga papa ture (policy), te aratakianga e te akatupuanga i te anoano o te katoatoa (community development) e pera katoa e maata tona ki te e te marama i roto i te au akateretereanga i te au matakeinanga o te enua (Iwi).
- **Dr Sue Crengle** – maata tona marama i te tua o te angaanga taote i roto i te tuanga rapakau maki e pera katoa i te tua o te vairakau e, e maata katoa tana angaanga i rave ana i roto i te tuanga o te kimikimianga (research), e Professor aia, e Hauora Maori, i roto i te apii tereni anga i te au taote i Otago.
- **Dr Mataroria Lyndon** - E arataki aia i roto i te putuputuanga Mahitahi Hauora Primary Health Organization e, e puapii maata (senior lecturer) katoa aia note Apii Taote (Medical Education) i roto i te Apii Tuatoru o Tamaki Makaurau, koia oki te Auckland University.
- **Lady Tureti Moxon** – E arataki maata tona marama i roto i te tuanga rapakau maki o te Maori e pera katoa i roto i te tuanga o te apii e i roto katoa i te pae oraanga tangata (social), te tuanga o te ture (justice), e i nga tuanga e toru o te basileia koia oki te tuanga local, regional e te national.
- **Fiona Pimm** – e arataki maata aia e, e maata tona marama i te tuanga akatere o te pae angaanga rapakau maki, tetai au tuanga o te kavamani (government agencies), tetai au putuputuanga kare i raro ake i te akatereanga ate kavamani (community NGO) e pera katoa te au matakeinanga (Iwi) e to ratou au runanga.
- **Awerangi Tamihere** – e arataki turanga teitei tona (senior leader) e, e maata tona marama i roto i te au tuanga akateretereanga tuketuke o te basileia meite central government, te au putuputuanga tuketuke o te korona koia oki te regional crown entities, te tuanga o te paraiveti (private sector) e pera katoa tona au matakeinanga (Iwi).
- **Dr Chris Tooley** – e tangata marama i te tua o te akateretere e koia katoa te akatere maata (CEO) o te putuputuanga Te Puna Ora o Mataatua i Whakatane, te putuputuanga nana e akateretere ana i te au tuanga tuketuke no te pae oraanga meitaki (health care) e pera katoa te au akakoroanga no te oraanga tangata koia oki te social services i te oire Eastern Bay of Plenty.